

岳東海先生文稿

上篇 八九十



16
740
5

門八 28
740
5

南梅主

明治
月 年 日 證



岳東海先生文稿上篇卷之八

三河 岳 融子陽著

東都 宮 澤再成李功輯

五言律詩

除夜

歡樂何須極，哀情起舉危。
朱顏醒自去，白髮醉無辭。
守歲玄關掩，流陰漏水移。
春風窗外柳，明日掛新絲。

夢探勝值雷雨

春眠何處去，探勝夢中耽。
雲氣觸峯石，電光衝晚嵐。

東海先生文稿卷之八 宇上 予聿頁董

東坡詩集卷之八
一
三二
里信石言
山鳴雷競競天黑雨氾氾流汗沾衣袂醒來拭目談
山子虔席上分賦江都勝地得岬谷

誰栽數竿竹奕葉映江城長傍梁園地翻成岬谷名
天風來更響澤雨澌相清聞說文明世時時聽鳳鳴

永代橋望西山晴雪

永代飛橋上芙蓉咫尺前空江浮白雪秀嶺插青天
倒影隨波動寒光射日懸仙宮竟難辨轉憶步雲邊

古宮螢

蕭瑟古宮秋夜來螢火流玉階含影暗翠幄隔光浮

逐露尋蘭沼從風下畫樓亂飛堪自照相撲為誰愁

南歸阻雪

掛帆南去水送客北來風聊入凍雲際頻過雨雪中
川冰千里合舟路一時空上岸瀰漫白陸行還不通

大堰河觀漲

上游千澗雨洪水滔天來成海島田岸懷山金谷臺
奔流浮轉石溢浪鬪鳴雷縱使狂夫度看來破膽迴

白雲抱幽石二首

孤雲紛不去奇石擁崔嵬樹杪風聲散崖間濕氣回

依依掩蘿薜，曖曖映莓苔。添得幽樓色，閒扉更自開。
空山何所據，一片白雲停。忽見樓群鶴，仍思抱落星。
微風從裊裊，斜日照冥冥。端識無非石，隙間苔色青。

子楫歸河內借陶公房宴別東都諸友

休公同別恨，更與借禪房。駐馬桑門外，開樽繡佛傍。
離筵兼勝地，才子聚詞場。錦字盈衣裡，羨君歸故鄉。

宮中行樂詞

春豫還移去，黃昏入未央。常隨楊第一，遠召汝陽王。
香輦停花裡，華燈奪月光。皇情淺琴瑟，羯鼓響宮牆。

調馬行

年少騁花廳，據鞍瞻視雄。揚鞭翻走電，鳴勒和長風。
鏡眼懸過際，霜蹄去度空。回旋千里足，罄控金溝中。

城門雪望

城門懸雪色，寒景暮天高。粉堞凝華合，清京積素豪。
鳴珂來禁闕，振鷺集仙曹。自愧飄零客，翱翔照二毛。

春日

病裡邀春色，墮然命濁醪。窮途無客過，側目使人高。
黃鳥鳴三徑，垂楊傍二毛。生涯難解事，原自便蓬蒿。

萬年嶽泉師邀余余不得至因賦謝

萬年開士室繚繞古祗林世事終無到幽情更自深
一乘迎不待千里駕當尋愧我迷塵路空違方外心

自笑

曾識彫蟲伎華榮不可求誦騷因痛飲耽句爲清秋
多病似高卧逐臣如倦遊凋零今日事自笑入風流

午日遊山寺

誅求逢絕勝精舍倚山烟午日樹如黛石榴花欲燃
獨醒勞繡佛續命委金仙縱飲終沈醉還堪空萬緣

逢三河舊友同賦共用逢字二首

紅顏分袂去白首與君逢語舊星霜久搖情涕淚從
當年聊種柳小日復栽松共向前庭見嶺坑隱後峯
久別江湖友還家復舊蹤只憐華髮色不笑敝裘容
歸客如衰鳥居人共卧龍寧知殊出處論世正相逢

山人勸酒

吾有南山秫君傾北斗尊興來終及亂醉裡又何論
花木開巖戶春風入石門此中人世遠更似酌桃源
應帶生諸題某氏枕流亭

東坡雜詩
潺湲清冷水百道過前庭流出千山翠穿行萬樹青
塵襟知足濯俗慮好無停羨爾能高枕蕭然卧此亭
賦得蟠桃篇壽雜賀君王母大孺人六十
蟠桃今正發歷亂瑤池頤期至三千歲懽開十二樓
樹邊青鳥舞枝上紫霞流長保春花色好供王母遊

夢遊鸚鵡洲

彌生歸大夢陳跡一芳洲鸚鵡名空起朦朧宴竟愁
各天原萬里隔世又千秋尚友讀書坐牽眠訪古遊
東都逢平安故人

平安分手後來此幾回春未作朱門客唯爲白首人
寧知逢舊故還是處沈淪兩地無謀妣同歸把釣綸

題烟波垂釣圖

江湖是何處風景洞庭傍漁父占磯石釣竿垂渺茫
驚波綸不動終日坐如忘看取深相愧宦遊趨四方
觀壁上飛泉圖

停雲低畫棟滿壁斷崖懸瀑布當中雷霄河瀉上天
溢連青席色虛拂碧牕烟忽倚飛流立抵疑洗耳賢
秋日喜晴

空濛連日雨，新霽倚閑窗。殘霧斜遮嶺，騰虹半度江。
松間風颯颯，沙上水淙淙。今夜滿天月，登樓照酒缸。

醉後

落落千秋恨，悠悠一醉時。狂歌忘歲晚，短髮任風吹。
神欲徒相動，世情都不知。楚臣疑此趣，何抱獨醒悲。

山下卜居

陸沈吾不克，新築此幽棲。壁負青山立，蹊臨綠野低。
孔妻文藻足，介母隱心齊。從是人間世，隣家遠犬雞。

閑適二首

風塵何處過，天地在茅堂。丘壑身堪置，烟霞病更長。
協情安小隱，抱膝坐鴻荒。自是來春色，山花映夕陽。
晚步隨藜杖，回看倚井梧。枯枝橫月靜，墜葉受風趨。
螢火來瓶甕，鴻聲雜轆轤。幽心尤好合，更命濁醪壺。

山中答人二首

君問山中客，寥寥定奈何。麝霞蹤草徑，鷓鴣病庭柯。
不至宦情少，寧知隱趣多。唯來群鳥獸，三歲和吾歌。
君言小隱倫，丘壑只相親。公養初干祿，陸沈終溺人。
華簪插白首，珠履伴青春。不識山中樂，勞心日日新。

海晏寺觀楓

丹楓自初地，歷歷入迷方。萬木皆秋色，六時俱夕陽。
猶添金界影，且接火珠光。雖染禪房外，無心更不妨。
通家某生婦，青娥善國風。因賦贈代島友直。
風流箕帚暇，會友翠幃低。曾比蔡家女，竟稱王子妻。
錦機生麗句，紈扇見新題。閨裡弄彤管，高名紫氏齊。

武城

臺城遶宮起，邸第復藩籬。野闢稻梁地，溝通朝夕池。
山形秦塞固，天象漢王基。不須四郊壘，千載坐無爲。

病中遣妓

美人逐花去，好是任春風。無渡漳河水，堪愁魏武宮。
東山華席上，南郡絳紗中。若問沈疴色，蒼天苦乃公。
音書湘妃怨，得長字。春生漢苑，秋滿秦宮。莫道離愁，
愁心流不盡，鳴瑟湘江傍。終夜添波響，清音逐月光。
九疑峯累累，三楚野茫茫。斑竹千秋色，淚痕銜恨長。
關雎仲秋宴，海上樓。景嶽開晴窗，公子曾對半江秋。
高會頻年憶，同人此夜遊。尊中傾北海，秋色倚南樓。
月出滄波上，雲開碧落收。流光千萬里，素影入杯浮。

函關晨度

蒼蒼函嶺曉，匹馬步霜蹄。山雜晴雲出，月穿烟霧低。
關譏無乳虎，客到有晨雞。聞說齊公子，曾催半夜啼。

賦得瑤池篇壽伴敬甫王母七十初度

王母堂前水瑤池，萬古名長收。仙液滿常託，玉京清
音雀隨流，啄碧桃連岸。生戴勝茲臨宴，紅顏鏡裡迎。

東山雨後

曉天寒雨散，清吹落長松。宿霧餘遙浦，初陽射亂峯。
石間泉響急，林上露痕重。瞻望開窓坐，驚聞日午鐘。

途中值雨

漸看日規小，雲出忽縱橫。少女風翻樹，西山雨注城。
曾聞天子避，寧擬聖人行。孔極今堪羨，終無一叟迎。

長相思

少婦非無酒，狂夫不憶家。徒醒閨裡月，幾醉路傍花。
暮雨添紅淚，朝雲駐碧紗。起呼小姑問，皓首逐繁華。

客舊館

舊館當東道，征車駐入扉。主人能有待，旅客更如歸。
攀柳歎吾是，脫驂歡彼非。遂看冠者出，曾著班斲衣。

獨有山中樂，向誰論隱心。
風塵昏玉府，桎梏謝華簪。
殘葉連禽宿，微陽照雪沈。
荒蕪三徑裏，不問故人尋。

題中原巴圖

姬人原將種，一顧亦傾城。
餘勇披圖起，清揚拂素成。
畫眉真宛轉，點眼更分明。
寫得軍容色，雄雌不可名。

觀獵

將軍獵平野，掣鏃海青翔。
迥望鵬雲外，徒過燕幕傍。
群鷗沒遙渚，連雁亂斜陽。
正見垂天翼，為君搏九蒼。

塞下曲三首

百萬天兵下，單于遠破亡。
長驅窮北地，轉戰出西荒。
旗遶陰山外，馬嘶魚海傍。
胡塵終欲滅，已縛兩賢王。
塞北三邊路，防秋大出兵。
雄風生虎節，氛霧動龍城。
倒戟胡霜下，收弓朔月傾。
捷書奏天子，獨起將軍名。
胡天西北望，白草與雲連。
萬里風沙起，千山雨雪懸。
牛羊群古戍，鷹隼下荒烟。
不盡蕭條色，行人掩淚旋。

雪曉

雨雪連終夜，醉眠相共醒。
乾坤皆變白，江海獨餘青。

寒入鐘聲細，晨來月色停。窺窗猶擁被，小犬戲中庭。

倦夜

底事多奔走，此身如獨賢。眼前花自落，頭上月空懸。春去杯尊外，秋來履屐邊。不知今夜夢，能擬役夫眠。

舟中值雷雨

鷓首逃風北，天南雨驟來。波濤迎落電，雲霧送驚雷。勢逼鯨鯢走，光翻蜩象開。漸蕪天怒罷，船載日暉迴。

遠江道中

一着遠江水，難言天下流。驚濤七百里，平日廣陵秋。

驅石誰生慾，射蛟能罷遊。岸邊行又憶，枚叔筆應投。

冬月圓

冬月團團上，寒凝玉鏡臺。蛾眉移已去，粉面照方開。夜度關山遠，時催雨雪來。姮娥形自瘦，似望故夫哀。

春山晚歸

春風喚人起，濁酒向山攜。黃鳥出幽谷，烟花成幾蹊。傾尊興並盡，墜日步俱低。家近顧遊處，繁星樹上棲。

遊畫島

妙音天女殿，寄跡水雲深。湧出孤峯上，蒼茫大海心。

蠶樓疑隱見，鼈背懼浮沈。回舫蚌中月，獻珠升島陰。

秋日偶成

柴門人自避，市井亦堪幽。宮月隨閑步，城雲入卧遊。
風塵簾外起，車馬戶邊流。雖在山林裡，瓢聲煩許由。

訪隱者二首

山中求舊友，繚繞萬峯深。犬吠門前徑，猿窺戶外林。
烟霞生病色，泉石絕歸心。依爾初相識，宦途真懶尋。
陸沈猶自怪，雲卧此相尋。松杉幽徑遠，丘壑隱淪深。
隔斷風塵色，銷亡俗吏心。好學孫登嘯，從君振萬林。

題庭松奉壽岡侯初度

鬱鬱蒼松樹，生來幾度年。一封膏土裡，長託玉堂前。
奕葉承湛露，繁枝帶瑞烟。喜將歲寒色，偏獻使君筵。

哭金子向
春是子向臨終之語

西山白日沈，大暮辭群匹。不待雪霜時，空憐蒲柳質。
揚花拂素旗，春色閉幽室。常住松栢聲，蕭蕭還可憚。

客中夜坐

孤燈相對坐，形影只空閑。客淚穿愁眼，鄉心起死灰。
千行書欲盡，萬里思猶來。天地蕭蕭色，今宵獨自哀。

下江崎山精舍賞花得登字

招提此探勝山上遠攀登華界空中現香臺象外凭
任風天女息欺雪日城凝昏黑貪春興仍傳大智燈

題源氏美石華僧嘗携來

落星猶爛然曾自雨花天長伴談經點常承拂氎憐
連珠懸佛刹泛海避秦鞭回首君家拜轉來石丈邊

古佛原

白楊何列樹旦夕但蕭條苔色高碑出荆間古墓饒
姓名誰得識文字共空銷憐爾幽冥室長眠不復朝

晨鐘

晨鐘聲暗度耿耿伏寒衾長物元高枕微軀叨大心
鵬鯤猶被笑日月更虛沈搔首殘燈下輝看素髮深

江樓夕望

騁望江樓勝高欄憑暮烟日昏遙渚水雲冪遠山巔
群雁呼踰嶺孤帆去入天薄窮千里目暝色忽凄然
振衣千仞岡

倚杖仰重岨棄車凌太清鳥隨高鳥過袖拂落霞行
較覺塵情遠始憐雲卧平浮華曾抵掌因此笑鴻名

贈秋彥朔

負笈追師去，問關有學顏。
羈魂銷欲盡，斗酒注纔還。
陸橘垂荒樹，潘輿遠故山。
斷機北堂母，不願舞衣斑。

冬日登白馬臺

上方縱瞻眺，俗眼此神通。
近隔臺邊樹，盡開霜後風。
遠川雲雜白，衆嶺日斜紅。
早閉冬天色，寒鐘響晚空。

送長崎子木歸薩藩

地盡看南極，纔開覺島城。
馬牛風更遠，道路海還橫。
擊筑知音別，離杯灑淚傾。
思君回首數，戀主不堪情。

五言排律

千早懷古

建武蒙塵日，孤軍嶺上雄。
楠公開壘壁，平氏合羆熊。
億兆心非一，三千德自同。
雲梯懸樹杪，雷鼓應天中。
蟻附徒顛壑，鷹揚盡擊空。
血流殷澗水，尸積腥松風。
墨翟守終固，田單謀不窮。
英名搖俊傑，義氣沸鈞洪。
兵甲生牆內，鯨鯢仆海東。
烏棲山下幕，月照草間弓。
群盜逃荒裔，回鑿入舊宮。
乾坤便豁達，日月更玲瓏。
依阻崎嶇勢，定成恢復功。
唯看卷石大，萬古鬱葱葱。

客散

諸友今何事，回頭望夕暉。空言十日飲，滿座四方歸。
背井餘車轄，垂簾捲妓衣。驪駒嘶遠樹，客榻掛閑扉。
猶愛啼鶯是，終嗔舞鶴非。主人尊未盡，醉興半相違。
為劉玄育送大翁還紫陽兼壽七十初度

端見懸弧節，仍聞命駕聲。雲車歸紫府，祖席餞江城。
兼上千金壽，聊留萬里行。奉觴回北斗，招日恨西征。
濟勝仙翁具，畏途家室情。斑衣空緩舞，班馬竟悲鳴。
鳩杖疑人贈，函關有吏迎。故園逢舊友，九老會當成。

夏日見苦寒篇

寧知避暑堂，茲見苦寒章。白雪開函積，赤烏濡翰亾。
殺青迴酷熱，執素握清涼。虛誦投紈扇，沉吟坐石牀。
行行愈病暘，字字滌心腸。秦火焚書外，梁園授簡傍。
燭螢無借照，文藻自敷光。學就三冬日，心含六月霜。
名終題玉柱，人豈面丹墻。一片冰華色，凜然侵席長。

寄岳子蕩

出門趨魏闕，退食掩閑扉。鳧鳥青雲近，朝冠白首非。
陸沈違世趣，林卧避雄飛。每別幽棲去，徐辭俗侶歸。

談玄甘寂寞，守黑接輕肥。倘拜山中相，思君欲動機。

盛夏經岐岨

聊入岐岨峽，時疑節候遷。澗流隨路咽，峰勢蔽人連。
風出崖邊谷，晨遲井底天。仰攀穿積翠，直下傍飛泉。
斷棧餘冰柱，高巔擎玉蓮。觸膚雲驟起，接踵雨多懸。
驛館籠林麓，關門閉岫烟。蟬鳴午睡後，蠅絕晝舖前。
正是炎威遠，還非冷氣偏。寒温愜行客，險澀獨安憐。

澗河舟中

放舟澗河水，息脚浪華途。幽討情非已，浮遊興不孤。

山邀青眼至，人枕碧流徂。林盡津樓出，帆飛岸樹趨。
城邊鴉亂點，洲上鴈群呼。日暮西風起，揚波與海殊。
見扶搖老候，相遊豪奉寄懷六十韻

菟裘厭多暇，遐討赴悠然。扈從非靈運，游方比史遷。
道襟搖不躁，壘色靜良捐。臭服龍遺白，羊皮豹襲玄。
姓名甘草似，土木嵒康妍。今豈追衰鳳，曾能脫象鱣。
田實爭已避，禽尚趣方全。惴惴犧蒙綉，紛紛蟻慕羶。
遂初崩夙齡，放意在殘年。顧影驚遲暮，陳情散別筵。
清時安抱壁，枵腹滿留錢。荏苒郊將野，縱橫陌與阡。

金臺攀繫駿酒口立垂涎邀客二磯妓招人六合船
鄂君揚袂擁謝傅捲簾延橘郡江看轉綾濱裳屢蹇
過亭趙孝默逢令褚哀賢旅興移無限賞心疑未悞
錄倉隣貝闕玉笥貫星躔仰望樹如薺遙瞻嶼若拳
崇巒青矗矗疊浪碧漣漣七里脩灣曲三枚斷棧懸
霄崖凌磴躑沙路受跟穿歸鳥翔汀靄下牛經岫烟
巖栖終躑躅洲宿且蟬聯都盛何期足地偏還有便
羨魚來釣艇欲浴湧湯泉衆瀆通吞海攢峰競舐天
潮頭趨聚落谷裡入陶甄獵火燃燈側漁歌歌枕邊

軒聞群帝座夢伴九淵眠字覆蓬壺旭窻開富嶽蓮
流觀萍梗送高踏嶺雲牽罷相尋弘景逃封求魯連
竹叢鳴解管瀨韻試湘弦鸞卓標華表函關鑿翠巖
源山長鬱茂蘆窟常澄鮮日月雙生外乾坤一覽前
深林歐躑躅絕島會靈仙狂哭窮途去疲休泛宅旋
往來千里近明魄雨回圓左右周外降東西盡泝沿
但因懽樂極讎及隱憂纏倒壘澆水牕思家坐鍼氈
車嘒風祭阪帆發杜門壩蠻市衝奔破鯨波背走遶
房陵遠出沒迸水適潺湲訪戴聊登岸笑原仍扣舷

東海先生文集卷之八
江城霞際起，芝浦霧中綠。酷暑乘濤退，斜陽照渚。剪
釋舟猶漸，陸按轡竟停鞭。探勝祇云返，題詩好更專。
錦囊隨李馬，彩筆擬王椽。潘岳行爲賦，袁宏吐作篇。
鬼神窺思想，景物助嬋娟。元就幽懷遍，寧疑俗慮蠲。
微辭沈綠墨，麗句溢花箋。獨縱數人，和誰居八斗先。
桑梓承剗，磬石待雕鐫。知寄餘蹤處，從君萬古傳。

岳東海先生文稿上篇卷之八

岳東海先生文稿上篇卷之九

三河 岳融子陽著

東都 澤再成季功輯

七言律詩

春色滿皇州三首

京華日日歲華新，帶暖流風遶紫宸。北極重雲銜聖
澤，東郊輕雨度芳辰。柳條濯濯千門夕，草色萋萋九
陌春。恰好諸侯朝集使，忻逢萬物發天真。
皇城春色帶恩光，千里寒烟散太陽。乳燕群飛翻柳

繁遷鶯百轉，傍花香終南。殘雪天邊盡，杜曲游絲日
下長。淑景由來流四海，都人先已樂年芳。
獻歲風光入帝州，千秋玉氣並悠悠。上林歸雁餘寒
去，大液開冰舊色流。天上霞含雙鳳闕，路傍春映萬
家樓。衣冠共奏行時令，正助陽和作豫遊。

應天門觀早朝

應天高拂曙雲開，紫陌蒼蒼曉騎來。星控玉珂移北
極，月迎銀燭隱西臺。珮聲漸雜鶯聲起，旌色遙分柳
色迴。文武衣冠將盡入，日光纔動鳳城隈。

高對奉題小泉侯飛鴻樓

雲裡飛鴻百尺樓，層層不復據山丘。王城北出中
天對，芝海東開下土流。碧瓦浮空垂鳳翼，朱欄接日
倚神州。使君厭貴携高興，遠望揮絃暇每遊。

春日過香山滕隱君

真人紫氣逐相尋，家在城南只自深。竹裡鶯聲窗外
轉，池頭草色戶邊侵。據梧河漢高談起，勸酒離騷痛
飲吟。過客對君忘世事，浮雲富貴竟無心。

函關逢人歸鄉

東海高士篇卷之九

函嶺峩嶩驛路開，躋攀駐馬此徘徊。已辭鄉國青山遠，祇出關門紫氣來。慚我薄遊為客去，看君幽意罷官回。家人問訊能傳語，莫道棄繻心未灰。

公佐伯公，子出襲水府相某侯佐伯，屬豐州。

蓮花府裡淨埃氛，為政水藩天下聞。數世晉卿多趙孟，異時豐邑出曹君。一從庭上當青槐，不許山中卧白雲。猶見逍遙過相事，三千吐握只紛紛。

井子玉初誕子

高堂常倚武城隅，一夜維熊入夢殊。仙吏蟠桃方結

子朝陽鳴鳳始，將雛四方人識懸。孤日千里風生托乘駒，天上更添聚星色。應因掌裡弄明珠。

中元觀燈市得東字

金市張燈夜色紅，月華暗度鳳城東。行行紫陌銜相映，處處朱樓望自空。公子驂騑光煜燭，媚家揚柳影玲瓏。中元今夕人如水，共恨青烟散曉風。

贈秋歸德

尊前潦倒醉歌豪，一鴉從來氣象高。白眼共開鸚鵡賦，青雲未度鳳凰毛。解裘盃酒長寒士，翫世風塵似

馬曹更向人間盡，回避疎狂吾輩只同袍。

九日新居作

墻東舊宅傍，繁華愈去南。遷處士家未及，牕前栽翠竹。何能籬下把黃花。芝江暮雨砧聲亂，宕嶺秋風木葉斜。載酒人迷新築路，蕭條此日獨煎茶。

古城春望

朱閣丹樓讓彩霞，曾城古跡訪春華。陌頭空掛當年柳，林裡長開舊樹花。細路驚蛇穿草入，平原飛燕受風斜。離離麥秀東南畝，愁向田夫問酒家。

寄君懿二首

長嘯三河不出鄉，青山碧水和君腸。歲年猿鶴深相結，日夜江湖對更忘。家富自封千乘外，書多常坐百城傍。定知習靜幽人意，應怪流離寄異方。

辭家千里入江關，北闕高雲不可攀。百歲人稀成白首，三更夢覺憶青山。風流已厭吳門卒，憔悴長隨楚客顏。莫道驥心猶未老，淹留唯愧敝裘還。

為林太豐首夏送田子遷歸南紀

南藩歸去樂何如，親戚逢迎入舊廬。夏夜不堪聞蜀

東坡全集卷之九
鳥秋風寧待憶鱸魚熊峯載雪炎天出若浦翻波瘴
氣疎聊念萋萋岐路草繫來難得露沾裾

賦蒼松篇壽九龜致仕大夫如臍翁七十

孤松寄託九龜城曾擢青雲倚世榮落落棟梁良相
氣迢迢歲月大夫名雪封偃蓋安龍卧風入高枝伴
鶴鳴老去蒼顏猶未減君恩雨露到長生

東都四時樂四首

禁苑春分百萬家都人士女逐繁華東西大道通佳
氣多少高樓帶彩霞歌扇啼鶯流弱柳舞筵斜燕蹴

飛花連墻不讓王侯興誰感年光獨自嗟

海上長風掃暑烟中洲人集大江邊逐涼頻過乘流
客張樂都看載妓船他席餘歡猶促興多時獨酌不
牽眠莫誇三伏袁公宴此地娛遊竟夏天

四郊江渚與林巒無數名園借客看黃菊東籬何自
把丹楓南浦不知寒凝霜往路銷珠履流露歸途拂
玉鞍乘月還開長夜飲悲哉秋入武關歡

江城歲晚雪華流玉樹銀臺九陌頭那得卧袁安獨
枕豈須尋戴泛扁舟煖寒到處開高會積素登樓給

壯遊黃竹東人聽不識冬天被酒又重裘

過三河舊居

飄飄遊子白雲樓閉戶蕭然據古丘此地空餘高卧
跡當時每給隱居遊十年日月過窻去千里河山倚
檻留依舊登臨起悲感下來雙淚落東流

流鶯百轉歌

黃鶯相逐入春城盡傍年華弄好聲幾去香車花外
送頻看翠輦柳邊迎歌流萬戶催絲竹語向千門感
女生笑殺騷人聞百轉一篇裁報鼓詩情

東都送魯州師歸遠江

千里津梁一衲衣清時盜賊亦忘機懸珠無恙歸鄉
國鳴磬相邀入翠微卒駐江湖陪老宿不隨雲水出
禪扉此行斷絕西來意握手再遊言更非

雪夜投宿田家

郊天村落雪漫漫驅馬前途欲去難白屋聊疑王弼
墓黃昏更駐陸雲鞍席門燭影風來亂布被牀頭夢
斷寒宛轉回看北窻下主人堅卧似袁安

春夜投宿山村

東海高上篇卷之九

萋草山中駐馬蹄，竟投茅舍傍禽棲。春寒穿入蘿壻裡，冰雪深殘澗戶西。風起松濤聲暗度，月含峯霧影空低。蕭條不寐吟詩坐，猿嘯漸聞雜曉鷄。

函嶺關

百二重關勢自雄，誰何虎豹碧巖中。人家天上鷄聲起，驛路星邊使者通。半嶺暗看三島雨，絕峯吹落八州風。好無令尹知真氣，形勝千秋壯海東。

白井關

天險高開白井關，經過生息幾人閑。棄繻壯氣誰能

起叱馭雄心去，欲還毛野桑田疑。海色信陽村落點，雲間攀登似任羊腸裡。絕頂徘徊厭萬山。

車駕展祀日光歌四首

十二龍旂覆玉鑾，駸駸羽騎擣金鞍。晚風先掃行宮入，春草猶疏御道殘。遙去江城千里外，漸看日岳五雲端。君王展祀關山遠，扈從休言道路難。雲峯高處祭宗祧，鳳輦盤回陟碧霄。仙蹕聲從空裡落，霓旌影傍日邊飄。門開裂缺當馳道，水掛晴虹並御橋。羨爾群臣從天步，終隣帝座駐華鱗。

天仗宵嚴列紫氛中通輦路兩邊分閔宮玉戶開山
曉高殿金階步岳雲黼帳燒香龍采動瑤臺奏樂鳳
鳴聞誰言身後獨思沛回首神光照聖君
神宮落照閉丹扉法駕迴輪下翠微風起四方翻鳳
蓋雲成五色繞龍衣更傷別恨生虛殿幾駐南行向
禁闈知是久含追遠意孝孫歸路不如飛

人歸自崎陽聽其話賦贈

海西都會是崎陽舟路烟波接大荒停客繁華觀異
眼開關交易控殊方千帆蠻舶來江口九陌人家倚

水鄉羨爾宦遊有多暇風流萬里此徊翔

白鳥

曹公園裡獨南飛素質離群那可依映月出臺霜冷
冷啼花遶樹雪霏霏天河翻影銀流水柳岸安眠絮
撲衣蕩子金彈尚相慕將留白屋事終非

過飲源伯芝宅

梁苑詞臣厭客游僑居暫倚武城頭溝通江海潮侵
檻地對芙蓉雪照樓汝有名山能入座余緣流水每
登舟銜杯天上酒星聚醉色猶懸夜色留

東海高上篇卷之九

鷺湖

鷺湖碧色涵虛清，隘地琉璃萬頃平。千嶺縈迴成習坎，百川奔走入空明。風濤巢鳥驚飛動，石岸桑田絕變更。凍合層冰孟冬外，舟行已罷復車行。

送鈴大夫為公子傳從駕歸松山

聞君為傳向藩城，不是南遷擬賈生。青翰舟中公子在，烟波海上大夫行。松山霞色雲帆入，豫土春風水路迎。更憶故園花正發，歸來好照錦衣明。

過飲野叔恭宅

虎門春色此彷徨，聊入君家對夕陽。他日銜杯拚卧病，故人傾釀發清狂。論心慷慨乾坤小，屈指浮沈歲月長。聚散難知豈辭醉，隕然猶羨鄭玄腸。

墨水秋泛

金龍山畔欲登樓，白馬津邊未繫舟。乘興開尊行飲酒，忘機擊汰去隨鷗。東西更有秋風送，遠近猶明月夜流。醉卧浮家歸不識，覺來徒憶夢中遊。

送觀海上人之西京

西指皇城向上方，彌天別路日邊長。行裝珠繫含

晨月祖帳燈明照曉霜千里逸才元駿馬一乘閑士
遂津梁應身無極青蓮眼揮手人間淚數行

書懷

春風綠髮出三河今見秋霜鏡裡多人代有如流水
逝宦途無似隙駒過百年鴻業虛糊口千里雄心浪
發歌莫笑唾壺幾回缺蹉跎老去奈情何

庭梅

玉欄相映滿庭梅不羨江南驛使來夜坐簾中疎影
入春眼牖下暗香回雪深處士疑高枕月淨佳人欲

勸盃更似揚州官舍外題詩何遜日徘徊

春日病中作

游子飄零萬事非春風遭病卧牛衣大夫華簪原無
在舊友綈袍近更違身負閑花梁苑落魄從歸鳥故
園飛猶悲不似吳高士薄宦空難應少微

送孟典探勝畿內二首

憶君探勝向皇州三輔風烟報遠游日月並懸群
嶽色龍蛇幾繞衆河流遷都碁峙尋陳迹侵地瓜分
問故侯但看平安千載外歸然宮闕五雲頭

桓皇創業舊宮門十二連天遶紫垣猶駐雙華懸日
月高臨群國照乾坤九州貢屬東藩主百世孫
居北極尊可見垂拱今若此周家文物復堪存

客中元日

東風吹夢曙雲生起視春光動鳳城柳掛垂絲移舊
色鶯來幽谷弄新聲青衿長著三年客白首頻催萬
里情人醉椒花兄弟酒天涯流落獨空驚

奉詠白河世子窻前竹

梁園翠氣接庭陰鬱鬱窻前脩竹林臺上耿霞供鳳

窠池頭臨水發龍吟隔簾常報平安色倚柱長看直
節心好是濕沾湛露日衛風逾詠此君深

秋歸德別後無消息以賦代柬

紫山西望倚高樓孤客天涯憶舊遊興盡扁舟能已
去交深尺素一堪投城頭鴻雁三秋恨海上波濤萬
里愁若怪喬洪無賴事故人消息久相求

梅雨

凍雲寒雨夏天流驅逐炎蒸似素秋宮裡紅顏驚掩
扇客中華髮感披裘蕭條朝暮巫山色黯澹乾坤祀

國憂添得無情吹玉笛梅花五月落城頭

元日病中作二首

金莖曙色動蒼空病渴虛窺搔首蓬身襲十衾寒曉
雪家餘四壁隔春風悲吟越客思榮外感激王妻愛
諫中花下遷鶯開一轉物華漸發鳳城東

江城客舍伏寒氈萬戶鳴鷄覺曉眠北極星辰移夜
色東風邸第送春烟映來潘鬢梅先放過去張姿柳
只懸獨倚柴扉懷舊病羨他光景入新年

秋夜喜晴

積雨涼秋久黯然祗披雲霧看青天清風流入開窻
裡明月來窺獨坐邊斗酒十千捐不惜分陰百萬買
無緣更貪暗色期長夜過賞傾尊忽醉眠

九日席上作

天涯日月又重陽幾在他鄉憶故鄉黃菊籬邊猶帶
雨丹楓江上盡飛霜致書雁促歸心去落帽風吹短
髮長向我悲秋來滿眼登高強醉舊交觴

遊遠江大福寺

青螺山勢接諸天初地江湖渺杳然苔徑羊腸籠積

東坡全集卷之九
十一
樹香城鷺首抱層烟飛來塔跨雲邊雁湧出峯臨水
上蓮到處神通騁瞻眺聊疑世界盡三千

東友人

十載風流近奈何隣居咫尺隔山河能傾家釀令君
飲會取陽春向我歌沈醉眠時千日少高吟和者數
人多伯牙舊識鐘期聽况復尊醪控玉珂

和人早春夢富嶽之作

芙蓉高雪映新年偏媚君家枕席邊玄度不須勞濟
具少文堪自罷彈絃靈僊崑裡神游入玉女峯頭曉

夢懸若此春眠多逸興飄飄氣象滿佳篇

奉陪扶搖老侯宴

使君清興發芳辰華館宴開櫻水濱庭雪色流銀燭
盡林花光入玉杯新東山何必隨餘妓西苑由來足
衆賓慚我方承虛左席彩毫無映郢中春

冬日過飲杉君宅

朱門開宴有餘歡此日傷心好自寬半過百年隨大
馬纔將五斗列衣冠綈袍歲晚逢三顧杯酒冬天恤
一寒暗雪千金駿臺色因君醉裡縱相看

送來子伯歸薩藩
故人何恨故園行，征馬遲遲出武城。
青眼東方含別淚，白頭西海許交情。
客中能就三冬業，身後空期萬古名。
吳下阿蒙堪刮目，歸來猶是一書生。

峽中懷古二首

環山萬仞阻躋攀，諸將中連虎豹班。
何讓龍飛燒蜀棧，常懷蠶食闢秦關。
西條一戰臨城起，北越三軍走馬還。
夜半星隨前主落，空傳兵法滿人間。
後主徒誇節制存，諛臣猶說卷中原。
金湯芻狗還生

害兵馬寒蠅豈建勳，敵入甲陽乘破竹。
身逃天目作遊魂，真龍將出三河水。
早識封侯是大藩。

永代橋送人

河梁分手上高樓，總武風烟夾客遊。
積水中開三百里，揚帆遠去一孤舟。
聊避佃島波心樹，漸入房陵霧裡流。
誇詡芝江吞夢澤，方供岐路不勝愁。

寄山人

南山歸去絕人蹤，高卧芙蓉第一峯。
雲觸半崖千里雨，風吟深谷百尋松。
窻中燭影輝巢鶴，門外泉流注

窟龍欲聽孫家鳳音嘯林巒響處壑重重

送平文尉還鄉

誰識高才宦路難黃金須盡據歸鞍驥心此日堪生
然駭骨當年尚入看送客交情停擊筑微臣厚意負
彈冠莫嗟從是江湖老卜裡非龍一釣竿

暮春寄田子綽兼憶石子哲

郭北城南此索居平安唯報一封書歸來閉戶無題
鳳別後閑庭不受車求友鶯啼遷木外懷人春去落
花初請携石子能過飲白首相憐亦正疎

小樓

聊寄空居一小樓此君非竹是滄洲雲山斗海房州
色月夜吞潮墨水流遠近入看無地主陰暗乘興有
天遊况吾使客驚高卧何必玄龍百尺頭

奉送小泉侯歸國

翩翩千騎擁驛騶朝出東方逐日流執玉朝天周述
職褰帷還國漢分憂葛城山岳開南面富水封疆攬
上游為政弦歌同百里當年子賤讓諸侯

桑子高見過二首

負郭蕭條一敝廬，都人誰是此躊躇。
清風虛壁徒來往，明月疎簾謾卷舒。
擁被開尊換濁酒，寒庖近海焚枯魚。
陳家孺子如冠玉，過見頻停長者車。
天地徒然一窗儒，柴關窮處數花鬚。
空著玄經揚子宅，何勞白眼阮公途。
蓬蒿遶客誰枉駕，烏雀親人自據梧。
都門年少深疑汝，但向吾曹與不孤。

送人歸五島

萬里雲程指碧空，飛帆遠勢御長風。
九州已盡遐荒外，五島遙看大海中。
天霽三韓鷓子度，潮連兩浙賈

船通故人鄉土如，殊域歲歲從君來。
向東

望湖臺

磨鍼嶺上望湖臺，馬首東來峽路回。
遂出高巔天豁達，更憑危檻客裴徊。
山縈淡海壺中在水象，琵琶指下開滿目岸邊盡奇絕。
騷人援筆自何裁。

武城

武城形勝八州通，想像當年創業雄。
逐鹿中原瞻地利，飛龍東海定天功。
不須漢代微臣策，寧問齊藩大國風。
雲自帝都分五色，千秋並擁鳳凰宮。

登巨鼇山

行愛名山入駿州路傍堪踏巨鼇頭諸天倚檻奇峯色下界當窻大海流龍女雨牽雲磬去岳神風避佛燈收即今騎背乘明月願向滄洲作壯遊

奉送取方侯歸藩

晉卿高議解紛紛周主深恩命嗣君當壁天符今正合封侯茅土昔相分驕驩還飲鸞湖水旌旆新翻鳳嶺雲群下不逢車上領驩呼音響到頭聞

岳東海先生文稿上篇卷之九

岳東海先生文稿上篇卷之十

三河 岳 融子陽著

東都 澤再成李功輯

五言絕句

夢芭蕉

攀蕉聊苦吟書罷秋雨注驚覺重相思忘却夢中句

敗蕉

攀蕉上有詩字字工如此情知絕妙辭破綻秋風裡

竹間路

東坡全集卷之十
一徑通幽處，蒼蒼竹林不知主人趣。行愛此君深

秋海棠

花發餘紅頰，秋深見露痕。階前何恨意，欲問竟無言。

將進酒

春風吹濁醪，欲酌聊懷友。似促舉觴遲，飛花入戶牖。

雜感三首

征蓬有轉時，遊子辭家去。借問秋風吹，明朝送何處。
古陵知是誰，黃土代身後。雖駐英雄名，歸人自聞不。
茫茫没人草，只被春風吹。昔日繁華地，今時誰不疑。

金原子亭醉竹亭

青青叢竹樹，傲吏碧窻傍。為有山陽色，平生誘醉鄉。

送金原伯文遊鎌倉

三朝供霸王，九世借權臣。終作耕田地，祇延弔古人。

題扇上畫子規

團團齊紈扇，子規點月輝。怕益班姬怨，此地吞聲飛。

閑適二首

林深人更遠，地僻境還寬。此中無一事，種竹問平安。
自踏江山域，江山不避人。乾坤多長物，幽事足閑身。

春夜聞雨

秋秋風雨響一夜入春眠只是為蝴蝶多在落花邊

暑

炎威實如燬三伏絕微涼蛟龍何處竊雲雨不能張

俠客行

辭謝百金壽一諾提吳鉤歸來探囊出仇家血髑髏

塞下曲二首

孤軍深入胡半夜眠荒野烽火燭千山一呼齊上馬

昨夜取龍庭饗兵魚海口征鞍入漢營盡是懸胡首

夏日午睡

午時熱殊甚清風到處虛人間無由適一睡問華胥

日本橋

日出日本橋人烟流若水橋頭或不通御史回驄避

山雪二首

何來今夜色白雪入窻中平日題詩處南山不競雄

無賴南山黛常來鏡裡驕滿頭祇戴雪也似憐蕭蕭

觀山水圖

濃淡作山水山水接雲烟曉月過城外情知范蠡舟

酬田白駒寫寄岳城山出雲圖

昔人自怡悅，今人有如君。能寫山中色，持遺嶺上雲。

秋胡行

停車採桑陌，相見贈黃金。不知閨裡豔，徒買路傍心。

春草謠二首

空局門前草，年年轉覺深。休言為春雨，只是生君心。
淚添獨房露，堦草生如絲。織成作春服，併寄妾心悲。

少年行二首

玉勒錦鞍鞞，道逢一相語。共飲杜娘家，白馬雙雙去。

百萬黃金盡，不恨今日貧。邊功成一劍，明朝又作人。

長干行得時字

開花三月時，遊戲與歡期。一夕東風起，揚帆也別離。

老軍人

追胡快馬飛，酣戰誰知老。胄落滿頭霜，沙場亂白草。

雨中花

玉蘂含華露，初花錦繡開。今朝雲雨色，知自巫山來。

江行十首

兩三江口家，屋後臨江水。江水相往來，帆從屋後起。

江口千帆發，乘風各自飛。最是易離別，一片眼中稀。
冥冥水中宿，蕭瑟發高歌。泛泛知何鳥，驚飛起白波。
回轉入溪口，歌巖覆客船。倒懸千萬樹，曖曖不著天。
漁家酒如水，主人頻勸觴。鱸魚膾如玉，主人聊言嘗。
絕壁夾溪流，輕舟天上落。忽去出長江，風波却不惡。
千家擬要津，往來繫舟處。雲帆百丈餘，隨風不能住。
一去入蒼茫，不知來幾里。江城水烟中，遠浮如海市。
波間出，初日落。日入波間，萬里長江色漫漫。不見山
朝來墮白鷗，暮來隨白鷗。朝暮浮家上，萍身幾許流。

七言絕句

子規啼

曉天啼，月子規。來孤客還家夢，乍迴更有一聲腸。
一斷明朝空，上望鄉臺。

登愛宕山望富嶽

宕嶺躋攀坐，日邊青山盡。處望青天遙，遙唯見浮雲。
上一片芙蓉帶，雪懸。

步虛詞

雲車長度月，明邊環佩聲。高落九天一夜不知何處。

去崑崙山上會群仙

浪華歌

三條九陌列朱樓，日出縱橫車馬流。
試倚高津臺上，看繁華千載古，皇州。
美人挾瑟幾相過，更聽斯華一曲歌。
當日王仁天子，頌今時只向倡家多。

江城送下氏歸佐伯

五十三亭盡帝京，帝京西去浪華城。
自此烟波江上路，揚帆直向故園行。

春寒花較遲

蕭蕭窮巷到黃昏，積雪袁安不出門。
屈指多時春酒熟，開花何日對青尊。

見白郊行即事

羈鳥閑花控馬蹄，行行不覺入山蹊。
林巒深處逢奇絕，恨殺無能帶酒携。

春日醉起

庾嶺梅花醉裡春，紅顏勸酒更相親。
覺來萬里知成夢，唯見青尊不見人。

哭豐濟美

清秋賦就病中悲，欲問加餐尺素遲。已報淮南殘桂樹，西風昨夜入窻時。

羽林郎

紅妝十五酒家胡，春日當壚映玉壺。不向青銅鏡中見，白頭狂殺執金吾。

題宮女對碁圖

明珠翠羽漢宮妝，相對蛾眉畫得長。知是美人手談意，昭陽今夜卜君王。

西辭愛妾換馬

紅顏深寵貯朱樓，此日從軍換紫騮。莫道邊庭非我事，昭君遠嫁是防秋。

和澤李功閨中四時怨

遲日深閨隔碧紗，蛾眉謾縮獨看花。年年春色來如此，倘怪征人不憶家。

長安處處著麻衣，如雪清涼尚自微。知是良人避炎熱，陰山寒色不思歸。

月色淒淒夜有霜，閨人北望鴈南翔。斷腸塞上傳消息，

息不說邊愁說故鄉
人外望南嶽猶思塞上
關中少婦翠雲鬟
雪裡登樓望玉關
恨殺冰城青海外
照來夫婿老紅顏

北山齋書壁

世上交情那足論
青雲相逐到黃昏
山齋原自無過客
更向人間不署門

明妃曲

昔日真成誤此身
紅顏一別漢宮春
即今憔悴穹廬色
猶是君王夢裡人

春日過飲友人

春醪不薄故人情
花下開尊日日迎
恰好青錢囊裡盡
近來唯有酒徒名

春盡途中

江北烟花映彩霞
江南旅客更歸家
春光南北無相似
未到家鄉盡落花

送關童子從駕之駿州

千騎東方映五雲
駿州從駕更紛紛
知騎竹馬看童子
猶夾城邊逐使君

秋日送子虎之旣橋謁先公墓

虎頭城外謁先公，古墓蕭條落葉中。不見舊時金屋色，更攀松柏泣秋風。

罷官卜居芝浦

罷官窮巷卜居閑，猶望江城咫尺間。囊裡賜金今已盡，無因避地買青山。

賦早燕送別

春風早已出烏衣，底事雙雙獨自違。不忍河梁分手處，澄潭影落顧孤飛。

送江子咸之駿州

駿州城北玉芙蓉，天上深藏第一峯。到日攬鞍歌白雪，高風吹破紫霞封。

春日行

春風三月試羅衣，聊就胡姬盡醉歸。獨覺行侵翻雪去，楊花堤上不知飛。

待酒不至

玄亭草罷卧春風，欲飲青尊復自空。載酒故人何處去，謾思今在百花中。

雪夜飲

雪華流入玉簾中。黃竹徒聞唱漢宮。陛楯諸郎皆凍立。君王把酒笑寒風。

春日舟行歸家

夾岸江花水上浮。餘香風送入歸舟。此行春色苦相駐。日夜鄉心逐急流。

罷官戲作二首

梁園詞客罷官貧。將向臨邛問故人。白首琴心為誰起。挑來笑殺卓家春。

月色婆娑四壁間。一盃尊盡夜空閑。誰道錦袍堪換酒。無曾賦取主恩還。

山齋避暑

飛流千尺掛西東。竹戶松窗綠樹中。今日却生他日恨。山齋若此厭清風。

輓仁子常

憐君丹旆路空通。歸去故園湘水東。到日蕭條斑竹淚。更隨霜葉下秋風。

雪夜尋酒家

東海高士篇卷之十

東坡詩集卷之十一
雪滿江天下，暝流扁舟到處，問津頭。休言訪戴乘餘，興一夜寒風，憶酒樓。

寄鑑保卿

旅館西風砧杵，秋年年堪，歎一貂裘故人能有張儀舌。徒向交遊說客愁。

九日閨怨

茱萸美酒屬君還，暫爾雙杯入醉顏。今日登高携妾處，明朝應作望夫山。

同賦東隣美人歌贈太豐限清字

東家美女玉顏清，一曲琴心起豔聲。自是挑成年少意，千秋難動宋生情。

寄金原伯文入金子山讀書二首

家過樵徑在巖陰，金子山中不可尋。寂寞窮經還莫出，烟霞深處染君心。

草堂深鎖萬峯青，更似風塵隔石屏。春入窗前銷聚雪，月明猶讀太玄經。

答友人

短褐相如弄彩毫，同時詞客子虛高。自非上苑繁華

賦那得春光照錦袍

東叡山

飛來台嶽枕江東 帝子樓臺鹿苑中 繚繞僧房分

福地別開三十六花宮

宮人賽神

嬌鬟梳罷望郊禱 苦駐羊車竹葉開 昨夜終乘雲雨

夢分明掌上小龍回

鎌倉道中

函關過盡謝山神 路向鎌臺江水濱 回首青峯千仞

上芙蓉雪色送行人

送田叔英歸河內

彩雲遙望葛城山 看爾揚鞭走馬還 莫逐神仙入

谷離憂今已足人間

花下美人

美人回首出深宮 獨度花蹊月下通 桃李無知不言

恨玉釵頭上笑春風

邊詞

玉門關外戍樓西 北鴈歸飛處處啼 更向明君祠上

見春光唯是草萋萋

送子梁還小山

故園何處故人迎君把金鞭指葛城二十四峰千里外青天西望不分明

九日風雨甚

秋風吹雨滿天流佳節蕭條盡日愁
酒登高回首更登樓

莫愁樂

雲鬢花釵隔翠屏嬌歌一曲路人停
石城年少窺顏

色日暮相携倚戶庭

塞下曲

百萬天兵出漢關胡塵遙滅賀蘭山
單于誓首稱臣妾五路干戈倒載還

江城寄家人

驛路誰人獨往還夢懸明月出重關
閨中不見歸鞍色夜夜愁眠到故山

墨蘭

風入花花欲吐香月來葉葉又含光
焉知非是芳洲

物唯訝秋深不帶霜

雪景枕障

雪裡江山畫裡開
寒光浮動射人來
卧遊高枕將長
愛竟似焦光夢未回

流螢篇

獨坐空房向碧紗
秋來螢火照容華
夜深不似狂夫
態又逐蕭條入妾家

春遊曲得人字

春風白馬起紅塵
玉面當壚杜曲濱
公子揚鞭欲歸

去依依楊柳斷腸人

度白井關

信陽行路白雲間
更上青天白井關
回首旅魂欲消
盡家鄉苦隔萬重山

山中會飲

謝家開宴列紅顏
歌舞杯尊泉石間
今日多端招隱
地城中盡是戀青山

尋隱者

一路悠悠日已曛
深山何處好尋君
將求石壁題詩

去遙聽琴聲出白雲

看調馬

金絡牽來白鼻騮飛騰年少據鞍斜垂楊深處鳴鞭
去直逐春風拂落花

洞房曲

春風宛轉送花香一夜良人入洞房欲見妾家他日
淚勸君顏色作啼妝

同賦陌上美人

美人香輦度城隅箔捲春風噎不趨莫道于今使君

駐多情五馬即踟蹰

岡子駿席上詠燕子花

春光盡處叩開扉燕子花開映夕暉把酒風流王謝
地醉來疑是入烏衣

武藏野

將軍塚上向斜陽一望蕭條入斷腸欲問人鄉何處
是秋風草色接天長

哭金原子亭

江城十載望家山夏夜離憂滿客顏憶爾無由逃世

事蕭條更逐蜀魂還

過飲野叔恭翠竹亭

吏人亭子也蕭然邀客開尊深竹邊對酌青青林下
眼晚來俱入醉中眠

舟中值雪

乘流帆影掛寒空兼送浮雲江上風夜雪滿天忽飛
散暗看舟下玉山中

妓王詞

妓王兄弟鳳雙飛如殺孤鸞復入扉忽怪蓬壺三婦

豐嵯峨山色擁緇衣

過秋葉寺

鬱蒼秋葉不飛風石磴盤回萬木中門起半崖雲出
入人過天上到龍宮

寄大夢山人田白駒需山水圖

青溪翠嶺棄參州遠在他鄉思不休更請山人分大
夢畫圖開入卧中遊

奉酬扶搖老侯聞予有盜警戲贈

夜來梁上客窺人當日陳家事自真却笑此生無一

物徘徊驚殺草堂貧

琉璃山寺

峯頭香閣倚江天
風落鐘聲鳥過船
暗夜琉璃光麗
域迷方猶見佛燈懸

漢宮詞

三十六宮歌舞閑
君王何處貯紅顏
纔聞猶愛香魂
色獨與延年對博山

岳東海先生文稿上篇卷之十

岳太冲著

天明五年乙巳正月新鐫

妻
ウカ